

**Hominis loquelam / ... publicae disquisitioni exponit M.P.G. Schacher ...
Ernst Gottlob Bergmann.**

Contributors

Schacher, Polycarp Gottlieb, 1674-1737.

Bergmann, Ernst Gottlob, active 1696-1698.

Universität Leipzig (1409-1953)

Publication/Creation

Lipsiae : Praelo Goeziano, [1696]

Persistent URL

<https://wellcomecollection.org/works/z8zu9fnm>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

HOMINIS LOQUELAM,

Divinâ succurrente gratiâ,

ex

Benevolo Superiorum Indultu

publicæ Disquisitioni

exponit

M. POLYCARPUS Gottlieb Schacher

Lips. Medic. Baccal.

Respondente

Ernst Gottlob Bergmann / Grüss. Thur.

Medic. Stud.

Die 29. April. A. M. CD. XCVI.

H. L. Q. C.

LIPSIAE,

PRÆLO GOEZIANO.



V I R O

*Amplissimo, Excellentissimo atque
Experientissimo*

D O M I N O,

CHRISTIANO JOHANNI Sanger

Phil. & Medic. Doctori Celeberrimo, Facul-
tatis Medicæ Assessori gravissimo, Practico
famigeratissimo,

Promotori ac Præceptori ætatem,
devenerando,

Exercitationem hancce,

Ut devinctissimæ

pariter ac gratissimæ
mentis signum

D. D. C.

A U T O R.



58700(24)

I. N. J.



Loquelam, Mentis nostræ interpretem,
ac veluti huntiam, cur pro Dissertationis the-
mate, publicè ventilando, mihi in primis ele-
gerim, non est, benevole Lector, ut multis
exponam. Materiam siquidem hujus præstan-
tia una cum ejusdem utilitate verè mihi tanta
est visa, ut vix, jucundius utiliusve argumentum me repertu-
rum, crediderim. Hæc enim actione (a) abdita nostræ men-
tis sensa aliis patefacimus, nostras declaramus necessitates, E-
ruditionem indoctis communicamus, de rebus altissimis imò
mysteriis differimus, & mens nostra, nullo penè sensorio ob-
via, redditur hæc mediante auribus. Hinc accidit, quod quo
diutius huic materiam indagandæ incubuerim, eò majorem
semper perceperim jucunditatem, ulterius in ipsam inquirendi.
Nec me deterruere difficultates atque obstacula obvenientia,
utpote quæcum ratione, tanquam æquissima lance æstimata, si
non ex toto maximam tamen partem removeri posse observa-
vi. Placuit autem hanc de Loquela tractationem tribus in-
cludere Capitibus, quorum primum ejus Causam Efficientem,
secundum Materiam, tertiumque Organa exponet; adhæc
enim, tanquam potiora, non adeò incommodè reliqua redu-
ci poterunt. Faxit Sanctissimum Numen, ut fiat. feliciter!

A 2

CAP.

a) Vid. Baptist. Condronch. præf. in Libr. de vitiis vocis, Kircher. Mu-
furg. univers. Tract. 1. L. 1. c. 10. p. 19.

CAP. I.

De Loquelæ causa efficiente.

§. I.

NE termini Loquelæ æquivocatio mihi in investiganda causa efficiente sit obstaculo, paucis illam removebo. Tribuitur quandoque Locutio Spiritibus, iisque in corporeis, DEO b) puta, Angelis, c) adscribitur postmodum eadem non rarò substantiis merè corporeis, v. g. Animalibus brutis, machinisque quibusdam, d) quæ verba, hominibus similia, distinctè proferre queunt. Uterque autem significatus hic non attenditur, prout vel ex titulo nostræ dissertationis apparet. Adeoque ea saltem nobis intelligitur Locutionis species, quæ homini tantùm competit. Ast cùm homo quoque variis soleat loqui modis, vel oculis, vel brachiis, *) vel pedibus, vel mediantibus aliis gesticulationibus, aut quando bruti ad instar, h. e. mente haud attenta voces edit, ideò, pro evitanda ulteriori ambiguitate, porrò monendum, nec has Locutionis species, improprias magis intelligi, sed unicè eam mihi venire, qua homo animi sui conceptus articulata voce significat.

§. II.

In actionis igitur hujus causam efficientem dum inquirero, non inconsultum erit, partes singulas, ex quibus totus componitur homo, ad examen parumper vocitare. In vulgus verò notum, ipsi esse binas partes essentielles, Animam, puta, Ratio-

b) vid. Gen. 3. v. 8. & seqq. c. 12. v. 1. & c. c) Reg. 13. v. 18. Luc. I. v. 13. & c. d) Cordemoy Diff. de Loqu. p. 10. M. N. C. Dec. 2. A. 10. obs. 29. p. 69. Kircheri Musurg. univers. T. 2. L. 9. p. 307. Francisc. Tert. de Lanis Magist. natur. & art. T. 2. L. 10. c. 4. art. 15. p. 483. M. N. C. A. 9. obs. I. p. 19. seqq. *) vid. Steph. Chauvini Lexicon Philosophic. sub titul. Locution.

tionalem, & corpus. Erit ne ergò fortassis corpus, aut una ex ejusdem partibus integrantibus nostræ Loquelæ causa efficiens? Fatendum utique, insignem ac verè stupendum mechanismum artificiosissimamque structuram ac harmoniam nunquam non observari, uti in partibus cunctis materialibus corporis, ita inprimis in iis, quæ ad Loquelæ productionem concurrunt. Ast quicquid horum sit, tamen insufficientes mihi videntur eadem, ad tam nobilem ac insignem præstandum effectum, cum videam bruta, iisdem instructa partibus solidis, fluidis, & Spiritibus, similibusque pene organis, ad Locutionem aliàs necessariis, nihilominus destitui sermone. Quare, cum non tam brutalis hæc sit actio, h. e. quæ nobis communis sit cum bestiis, prout v. g. chylicatio, urinæ secretio &c. deprehenditur, ideò sine omni dubio, aliam longè & excellentiorem agnoscat causam efficientem, quàm quæ ullo pacto à corpore, aut ab una ex ejusdem partibus, expectari queat.

§. III.

Remotis sic ab hoc munio partibus solidis, fluidis ac impetum facientibus, seu uno verbo, corpore, nunc præter animam rationalem nihil amplius, cui vices hæc demandari queant, in homine remanet, quapropter utique necessum, ut huic tribuamus titulum causæ efficientis, nec immeritò. Cum enim placuerit Clementissimo Creatori, ut Mens significaret mediante Corpore conceptus suos, ipsi hinc, si non summum, sufficiens tamen imperium tribuit in corpus nostrum, quod animadvertere inprimis licet in actionibus, quas Physiologi aliàs voluntarias nominare solent. Tale igitur imperium tenet anima rationalis in organa Locutioni inservientia, ut respondeant omni tempore motus v. g. Linguae, labiorum &c. cogitationibus, diversissimis in mente conceptis. Unde verò illud? Sine dubio hoc in passu talis harmonia intercedit in-

ter mentem atque organa, ut eodem momentò, quò illa suas cogitationes per Loquelam exprimere intendit, hæc, præstando obedientiam, actionem hanc celerrimè expediant.

§. IV.

Accedit, quod vix ullo modo concipi queat vera ac propria Locutio absque directorio animæ rationalis. Dum enim hunc in finem Clementissimus Creator concessit homini Loquelam, ut anima rationalis, tanquam partium, Loquelæ destinatarum, gubernatrix, queat pro lubitu, hisce mediantibus, ideas sibi formatas, aliis communicare, verbisque singulis vim quasi ac vitam largiri; minimè Locutionis titulum promeretur vox, inscia mente prolata. Ex quibus cum nunc appareat Locutionem non solum e) Mentis actione inchoari, sed & ejusdem imperio atque directione f) absolvi utiq; ac formari, id circo etiam rectè nunc concludo, Loquelæ perfectæ causam efficientem ac principalem esse unicè Animam rationalem.

§. V.

Ast clara quamvis hæc videantur, obstant tamen haud exigui ponderis rationes, quibus assertio hæc impugnari posse videtur. Certum enim est, Mentem nostram neutiquam immediatè influere organa, eaque variis modis commovendo, ad istum perducere statum, ut verba, ab ipsis formata, respondeant postmodum meditationibus antecedentibus, quod tamen requiri videtur ad causæ efficientis essentiam. Verùm, licet talia de mente prædicari nequeant, non tamen est, ut ea propter ipsam privemus hòc munere. Quemadmodum enim tantum non in omni actione observamus, quod causa efficiens, ad suum præstandum effectum, requirat accommodata instru-

e) vid. Zaccut. Lusitan. Pr. histor. L. 2. c. 5. Lit. C. p. m. 325. Andr. Laurent. hist. anatom. human. corp. L. 2. c. 18. p. m. 434. f) Jac. Roland. Aglossostomogr. c. 3. Kenelm. Digbæi Tr. de nat. corp. c. 16. n. 18. Isbr. Diemerbr. anat. L. 2. c. 15. p. 324.

instrumenta, ita quoque mens eorundem indiget, quibus co-
operantibus suos effectus producere queat. Ut igitur mens
præstet motus in organis, ad conficiendam loquelam necessa-
rios, utitur eum in finem spiritibus, qui deinceps, influendo
in partes, Locutioni destinatas, ipsis aptitudinem ad forman-
dam Loquelam concedunt.

§. VI.

Nec quicquàm refert, an Mens cognitionem motuum, in
organis contingentium, teneat, nec ne. Sicuti enim e. g. qui
alteri injuriam realem intulit, manet ejusdem causa efficiens,
utut eum fugiat modus, quo id factum fuerit. Aut quemad-
modum Princeps incudendis nummis non desinit esse princi-
palis causa, quamvis ipsi non constet de modo, quo argentum
aut aurum prius præparantur, vel pili effigies metallo impri-
mitur: &c. ita quoque Mens, licet incognitos habeat motus,
v. g. in lingua, labiis, aliisve partibus contingentes, nihilomi-
nus manet propterea causa efficiens primaria, h. e. à qua sermo
tanquàm effectus dependet.

§. VII.

Attamen totà observamus die, atque in se ipso quilibet
experietur, sæpius nos hæc vel illa recitare v. g. preces, alia-
ve mente interim ad rem eamque diversissimam, non verò ad
proposita verba applicata. Unde fluere videtur, non posse
tunc tribui officium causæ efficientis animæ rationali, utpote
cui minimè notum atque perspectum est, quid sit Loquela
prolaturum. Ast hæc objectio penitus non stringit thesin me-
am. Nam ut taceam, hanc Locutionis speciem in §. I. jamjam
esse rejectam, ita quoque nunquàm non duas mihi concipio
partes Locutionis essentielles, g) quarum altera est, ut sit arti-
culata, altera verò, ut sit significans, ex quibus si una aufertur,
perit

g) vid. Hieronym. Fabr. ab Aquapend. Tr. de brutor. Loquela c. I. p.
320. Cordemoy Diss. de Loquela p. 69. & 100.

perit statim ipsa locutio. Quando itaque quis, juxta datam instantiam, preces fundat, mente non informatas, tunc revera nec aliter judicare possum, quàm quod taliusmodi oratio, homine certè indigna, vel penitus non, vel impropriè saltem promereatur locutionis titulum, utpote cui una pars essentialis deest. Adeoque Varro h) olim rectissimè monuit: illum saltem loqui, qui suo loco, quodque verbum sciens ponit.

§. VIII.

Sed quid dicendum erit de Brutis, mente penitus carentibus, quæ interim non destituuntur Loquela. Sic v. gr. Gallina aliâ vocis modificatione convocat pullos ad escam, alia utitur, quando Milvum cernit, aut à cane fugatur, aliâ denique voce invitat quasi pullos ad incubationem &c. Adeoq; Gallina, aliave i) bruta, voce certo modò formata suos affectus significant sociis, & verè loquuntur. Quod igitur hanc concernit instantiam, equidem num ista brutorum diversa vox, diversos illorum affectus explicans, dependeat vel à principio quodam interno sentiente, vel à solo mechanismo, aut fluido aëreo simul commoto, doctioribus excutiendum relinquo, nihilominus responsionis loco monuisse sufficiet, in tali voce prolata non solum insufficientem esse partem significantem, ad conficiendam locutionem absolutè necessariam, sed & penitus abesse alteram, nempe articulatam enunciationem. Et quamvis regerere quis posset, nec eam penitus abesse in brutis, quippe quæ pro circumstantiarum varietate, certa quadam voce uti soleant, nihilo tamen seciùs minùs idonea ac sufficiens est taliusmodi modificatio vocis ad constituendam veram Loquelam. Aliàs enim & quidem majori jure tribuenda esset Loquela mutis, utpote quorum pars altera significans excellentior

h) L. 5. de Lingu. Latin. i) Aristotel. de histor. animal. L. 4. c. 2. p. 72. Kenelm. Digbaeus de nat. Corp. c. 37. num. 14. p. 311. & seqq. Zacutus. Lusitan. T. 2. Pr. histor. L. 2. c. 5. Lit. E. p. m. 324. & seqq.

entior longè ac perfectior, quibus tamen, utut aliter forment
ocem k) in à correpti, aliter tristitiâ perfusi, aliter gaudio
xhilarati, Loquela non conceditur.

§. IX.

Sed dantur bruta, quæ vocem humanam perfectè imitan-
ur, uti sunt ex volatiliū familia graculus, pica, merula, stur-
us, psittacus &c. sic fertur de psittaco quodam, l) qui inte-
rum potuit Symbolum Apostolicum recensere, & de alio,
quem Heinric. Octav. Rex Angliæ habebat in deliciis, ipsum
in Tamesin forte delapsū auxilium altâ voce implorasse, vi-
centi libras promittentem piscatoribus propè navigantibus, si
ex præsentaneo vitæ periculo extraherent, extractum verò
quatuor denarios exhiberi iussisse; & de pica loquaci cecinit
lim Martialis:

Pica loquax certâ Dominum te voce saluto,
Si me non videas, esse negabis avem.
x quibus & aliis pluribus exemplis facili negotio quis nunc
conjicere posset, vix esse quicquam impedimento, quo mi-
us brutis tribui queat Loquela, etiam perfecta; ast multa ad-
uc sunt, quæ id vetant. Licet enim talis Loquela cum no-
ra identitatem quandam innuat, quoad sonum, minimè ta-
men quoad sensum. Nullatenus siquidem mihi persuaderi
satiar, istiusmodi aves vim atque pondera intelligere verbo-
um prolatorum, ipsis ab humana arte impressorum, quamvis
non rarò casu ea applicent suis rebus satis commodè. Nec
ignat hæc responsio cum illa, quam in §. præcedenti suppe-
ditavi, ubi brutis concessi certa sub conditione significantem
loquelæ partem, hic verò eandem ipsis denego, aliter nam-

B que

k) Vid. Ammann. *Surd. Loqv.* p. 15. l) Scaliger. *exercit.* 237. Pa-
ei L. 1. c. 39. Joh. Georg. Gockelii *epist. de mirabil. quorund. animal. an-*
ex. M.N.C. D. 2. A. 5. p. 119. Kircher. *Musurg. univers.* T. 1. L. 1. c. 14. §.
p. 27. §. 5. p. 30.

que res est comparata, quando voces, ipsis à Natura concessa proferunt, aliter rursus, quando referunt verba, innumer vicibus ac arte ab hominibus inculcata.

§. X.

Satis igitur elucescit, firmo adhuc talo niti thesin nostram, qua asserebatur, Locutionis veræ causam efficientem & principalem esse mentem. His ideò missis, progredior nunc ad

CAP. II.

De

Loquelæ Materia.

§. I.

QUOD itaque spectat materiam, ex qua Locutio formari debet, non minùs circa eam, quam juxta jam explicatam causam efficientem dissentientes inter se deprehendo autores. Sunt enim, qui vocem pro genuina ac unica existimant materia, in primis cum putent, non posse absque ea quempiam loqui, alii è contrà assertum hoc apertè contradicere experientiæ ostendunt, cum dentur subjecta, quibus licet res effecti fuerint nervi recurrentes, & hinc voce privata, tamen apte remanserint ad sermones æquè feliciter n) producendos. Sic quoque notissimum, duplici præprimis modo verba ab homine fieri, quatenus vel alta, clara, ac sonora voce proferuntur vel eadem submissè exprimuntur, ita ut saltim sub sibili specie prodeant, dum v. gr. sonos pressos ad aures alicujus susurramus, ubi sane vox videtur, o) ablata illæsa tamen vi loquendi. Ex quo patet, præter vocem etiam sibilum (quem Amman

m) *Vid. Aristot. L. 5. de generat. anim. c. 7. Hieron. Fabr. ab Aquapend. Tr. de Locut. c. 2. p. m. 307.* n) *Condronch. L. de vitis voc. c. 6. p. 37.* o) *ejusd. c. 6. p. 37.*

nus p) spiritus simplicis seu non sonori nomine exprimit)
constituere posse Loquelæ materiam.

II.

Unaverò eademque tam vocis, quàm sibili est materia,
adeoque non nisi gradu à se invicem discrepant. Aër namque
si blandius ejiciatur è pulmonibus, & absque manifesto tremu-
lo asperæ arteriæ motu exeat ex ore, tunc sibilus saltem exaudi-
tur. Alio è contrà tempore, quando cum subsultatione la-
ryngis & aliarum partium adstantium convenienter & ut decet
exilit, tunc vox perspicua oriri solet.

§ III.

Nihil verò ulterius circa sibilum seu spiritum simplicem
addo, cum nihil adeò dignum notatu amplius se circa illum
offerat, aut quod nequeat hauriri ex explicatione vocis, cujus
materiam jam supra dixi aërem, nec immeritò. Nullum enim
corpus in toto hoc universo ex sua natura ad soni formationem
magis est aptum, cum nullum majorem flexibilitatem ac ela-
sticitatem in se ostendat. Tale autem subjectum ad soni &
exin constantis vocis constitutionem imprimis requiri, adeò
clarum est, ut declaratione uberiori haud opus sit. Hinc re-
ctè concluditur, positò aëre sufficientique q) ac convenienti
ejus agitatione necessariò quoque poni vocem, & vice versa,
deficiente hoc fluido externo, deficere illam.

§ IV.

Verum tamen cum aër sit alius, qui à nobis inspiratur, a-
lius, qui expirationis actu emittitur, quinam voci inserviat,
jam dispiciendum est? Non negandum equidem, posse aërem,
inspirationis tempore assumptum, in vocem formari, ast dum
hac methodo potius naturæ regulis infertur injuria, vix iste pro
adæquata materia erit habendus. Docent id bruta, quibus

B 2

VOX

p) ejusd. *Surd. Loqu. c. 1. p. 16. & 17.* q) *vid. Aquapend. de Laryng.*
voc. organ. P. 2. c. 3. p. 282.

vox subindè nobiscum est communis, quæ tamen rarissime inspiratum aërem vertunt in vocem. Quando igitur artis opus tale quid præstant homines, qui alias Engastromythi seu ventriloqui appellari solent, (quorumque exemplar) passim leguntur apud autores,) non credendum id fieri secundum naturæ institutum; Hinc accidit, aërem illum s) nec adeo suavem recipere sonum, nec tam diu posse absque incommodo protrahi vocem hoc modo excitatam. Quapropter potius is, qui expirationis tempore eliditur, erit consueta & solennis vocis materia.

§. V.

Sed antequàm in se suscipiat aër hicce vocem, opus habet, ut prius à certis quibusdam partibus adducatur æque ac præparetur, cui intentioni pulmones unà cum maxima tracheæ parte inserviunt. Pulmones quod attinet, quale sub hoc titulo veniat viscus, qualemque iidem possideant substantiam, neminem, aut non nisi peregrinum in anatomicis, latebit. Quare talia, tanquam notissima, ac à tatum non omnibus Anatomicis recentioribus accuratissime delineata, omittens, saltim in eorum scrutinio illa attingo, quæ ad vocis explanationem scitu necessaria videntur.

§. VI.

Vasa si excipias pulmones permeantia, reperies in iis innumerum penè numerum vesicularum membranacearum ita, ut revera non nisi t) ex aggerie quadam cellularum tenuium videantur compositi. Hæ autem vesiculæ sunt imprimis destinatæ ad aërem tam excipiendum, quàm rursus ex-

r) *V. d. Digbei Tr. de corpor. natur. c. 28. p. 244. Helmont. Alphabet. Hebr. delin. c. 3. p. 22. M. N. C. A. 1. obs. 35. p. 120. s) vid. Fabr. ab Aquapend. de Laryng. voc. organ. p. 2. c. 3. p. m. 282. t) vid. Malpigh. binæ epistolæ ad Alphons. Borrell. miss. Thom. Willis. Tr. de respirat. organ. & usu.*

plodendum, cui actioni favet insigniter hæc structura. Dum enim tenuioris ac extensilis sunt textura, facili negotio ab aëris irruentis elatere possunt distendi ac dilatari, à contraria, verò pressura rursus æquè feliciter coarctari atque comprimi. Disceptatur interim penes autores, an hæc vesiculæ expirationis tempore agant propriâ virtute h. e. mediantibus u) fibris carnosiss se contrahendo expellant aërem? aut an potius earundem constrictio vv) aliundè sit petenda? Verùm non est, ut in præsentiarum meam hanc faciam controversiam, sufficiat saltem monuisse, nullatenus motum ac impetum, à fibris carneis (si quæ sunt) expectandum, esse sufficientem ad generandum sonum, id quod apparet ex tranquilla respiratione, ubi præprimis istas agere nonnulli autumant, quò tempore tamen ne tantillum soni exaudiri potest. Itaque quo impulsu aër, pulmonum cellulis adhuc inclusus, vocis tempore extrudatur, nunc pluribus indagandum.

§. VII.

Placet verò istum immediatè magis ab aëre, pulmones circumambiente, deducere. Ut ut enim hoc viscus maximam thoracis cavitatem occupet, semper tamen relinquitur innibi spatium adhuc quoddam, x) nunquam non repletum aëre, qui coactus in angustius spatium à thoracis constrictione, vi suæ elasticitatis y) æquè ac gravitatis premit pulmones undiquaque ita, ut cedentes huic impetui, aërem antea à vesiculis exceptum, rursus exturbent. Pro diversitate igitur hujus pressuræ, diversa quoque contingit pulmonum contractio, quam excipit similis aëris ejectio, indeque variatio vocis.

u) vid. Willis. Disp. de respir. organ. & usu. Casp. Bartholin. de diaphr. structur. vv) Malach. Thruston. de respirat. usu primar. Diatriba. x) Johan. Svvammerd. Tr. de respirat. usuque pulmonum cap. 5. y) Experient. Schamberg. Præcept. ac affin. mei nunquam satis colendi dissert. de Respir. lesa §. 9. & seqq.

cis. Differentiæ itaque ejus, durantis puta ac brevis, vehementioris ac lenioris, magis minusve (2) sonora, potissimum ex hoc fundamento erunt deducendæ.

§. VIII.

Expressum hōc modō ē cellulis aëreum fluidum, subit in exitu asperæ arteriæ ramificationes, per pulmonum substantiam undiquaque dispersas, quasque peculiari bronchiorum titulo Anatomici vocitare solent, ē quibus dein fertur ad cannam pulmonalem, in unum tubum coalitum, & ad fauces usque exporrectum.

§. IX.

Hæc cum in finem adducuntur, ut nunc eō commodius alteratio queat explicari, quam aër in transitu ē bronchiis in tracheam sustinere necessitate quadam impellitur. Si enim conferamus numerum propaginum tracheæ, in pulmonum substantia occurrentium, cum canali, exin nato extrapulmones, demonstratu non erit difficile, ramificationes istas, collectivè sumtas, capacitate multum superare canalem. Ex quo colligo, aërem ad hæc transeuntem loca, subire insignem alterationem; dum nimirum ex spatio amplo in magis angustum adactus, satis notabilem admittere cogitur compressionem, quam licet in tranquilla expiratione non adeo observemus, tamen eandem inprimis notamus, si pulmonum compressio plus minus fortior præcesserit, rimulæque laryngis constrictio impediat quodammodò liberum aëris egressum.

§. X.

Compressus itaque ab his causis aër, arteriæ asperæ in carceratus, vi suæ connatæ elasticitatis amplius spatium quærens, tracheæ dimensionem notabiliter diducere & ampliare incipit, quæ tamen se denuò contrahens, rursum similiter coar-

2) Job. Wallis. Tr. de Loqv. Sect. 1.

coarctat, & ut loco priori cedat, adigit aërem; ex quo reciproco canalis hujus nunc expansivo, nunc constrictivo motu, aër intus hærens toties quoque comprimitur, rursusque expanditur, quem motum phisici undulatorium seu tremulum salutare solent, quique postmodum facillimo negotio aa) tactu vel aliis modis explorari potest.

§. XI.

Ex hac verò tracheæ vibratione, tremuloque aëris motu, soni diversitatem maximam oriri partem, vix dubitare licet. Quod si tamen quis hæreat, eum ad organa pneumatica ablegabimus, ubi clarissimè observabit, majorem aëris vibrationem in fistulis, follium ope excitatam, majorem quoque sonum, & versa vice contrarium magisque blandum blandiore suâ exagitatione gignere. Quomodo verò nostra respiratoria organa, & inprimis aspera arteria suâ conformatione organis prædictis respondeant, sicque soni formationi egregiè faveant, explicari nunc fusiùs paululum debet.

§. XII.

Notetur igitur hanc competere cannæ pulmonali præ fistulis organorum pneumaticorum prærogativam, ut cum rigida istæ sint, adeoque magis passivè ad aëris repercussionem se habeant, hæc motu suò tremulo symbolam non levem simul contribuat. Primò verò elongari eoque ipsò coarctari se patitur tubus hicce, quod ad oculum patet indeglutitione, aut si aliò tempore pro lubitu nostro laryngem ad superiora, & simul annexum canalem, movemus. Deinde ampliari etiam & constringi potest hæc canna per fibras motrices, in postica ejus parte, qua gulam attingit, bb) positas, quæ,

aa) vid. Ammann. *Surd. Loqv. c. 1. Georg. Morhof. Epist. de Scyph. vitr. per certum hum. voc. sonum rupto c. 10. p. 144.* bb) *Casp. Bartholin. Diaphragm. Struct. nov. S. 2. Tavvry Nov. anatom. c. 6. p. 98. Phil. Verheyen Corpor. hum. anat. tr. 3. c. 8. p. 124.*

quæ, uti extensionem admittunt, dum compressus aër explicare, & in pristinum statum restituere se nititur, juxta §. 10. ita propriis viribus se iterum coarctant, eoque tremulam illam, exagitationem aëri imprimunt, à qua sonus multiplex, uti jam ostensum, pro impetus hujus diversitate, deindè cc) nascitur.

§. XIII.

His itaque sufficienter expositis, ad Musices officinam, h. e. ad laryngem seu asperæ arteriæ caput me converto, in quo demùm aër, hætenùs à pulmonibus adductus, & in trachea præparatus, vertitur in vocem. Possem hæc occasione prolixè de structura partium, laryngem constituentium, ut & de earundem usu particulari differere, in quibus cunctis non solum admodum dissentientes deprehendo autores, sed præ cæteris in iis tradendis operosum observo Aquapendentem; verùm brevitati studens, ea lubenter omitto, sufficiat mihi ad sequentia saltem in ejusdem contemplatione attendisse.

§. XIV.

Componitur nempe larynx maximam partem ex cartilaginibus, epiglottide puta, thyroide, cricoide, ac arythenoide, quæ ultimo nominata à plurimis Anatomicis dd) duplex statuitur, à quibus foramen seu rimula ee) formatur, quæ aliàs glottis dici solet. Ast quoniam hæc corpora recensita ex sua natura sunt inepta ad producendum motum, idcirco varii generis musculos ipsis implantavit provida natura,

cc) vid. Morhof. *Epist. de Scyph. vitæ. per certum hum. voc. sonum fr-*
cto c. 10. p. 141. Fabr. ab Aquap. de Laryng. voc. org. p. 3. c. 11. dd) An.
Andr. Laurent. Hist. anatom. hum. corp. L. 3. c. 8. p. 77. L. 9. c. 15. p. 379. A-
quapend. de Laryng. voc. organ. p. 1. c. 6. p. 272. Th. Barthol. Anatom.
Reform. L. 2. c. 11. ee) Phil. Verheyen corp. hum. anat. tr. 3. c. 8. p. 139.
Dan. Taviury nov. anat. P. 2. c. 13. p. 404.

natura, quorum descriptionem apud omnes penè ff) Anato-
micos reperimus. Alii namque sunt communes, qui ster-
nothyroidei, & hyothyroidei audiunt, alii proprii, qui cri-
othyroidei, circoarytanoidei postici æquè ac laterales, thy-
roarytanoidei, ac tandem arytanoidei dicuntur, quorum,
ultimò nominati à quibusdam recentioribus pro unico gg)
habentur musculo.

§. XV.

Ex quibus nunc facili negotio poterit integra vocis for-
matio explicari. Dum nimirum cum impetu plus minus ma-
nifesto truditur aëreum fluidum ad laryngis rimulam, ea ma-
gis minusve mediantibus musculis contrahitur, quo ipso in-
stantas angustias cogitur aër, ut expulsus ac quasi expressus ex
eadem, tremulum omninò in se suscipiat motum, qui dein
acta prius varia ad oris partes allisione, continuatus extra oris
ines, constituit tandem vocem ipsam. Quo verò ista ad stan-
tium auribus fiat amoena, opus est, ut cartilagines dictæ hh)
cum tubo adnato nec nimis sint aridæ, nec nimis made-
factæ. In priori enim casu vox vel penitus cessat, vel clango-
sa ii) saltem redditur, prout in iis, qui febribus ardentibus la-
borant, apparet, in ultimo verò, vox redditur rauca, exem-
plo eorum, qui catarrhis infestantur. Adeoque moderata tan-
tum partium harum requiritur humiditas, cui intentioni glan-
dulæ non solum amygdalæ dictæ cum thyroidæis eleganter in-
terviunt, sed etiam tunica kk) glandulosa, internam tracheæ
cavitatem occupans.

§. XVI.

Cæterum qui desiderat variis modis flectere vocem,
is

ff) *Diemerbr. Oper. anat. L. 2. c. 15. p. 323. Verbeyen Corp. hum. anat. Tr. 3. c. 8. p. 141.* gg) *Dan. Tauury anatom. P. 2. c. 13. p. 406.* hh) *vid. Laurent. Hist. anat. hum. corp. L. 9. c. 14. p. 379.* ii) *Kircher. Musurg. uni- vers. T. 1. L. 1. c. 12. p. 22.* kk) *Thom. Willif. de Respir. organ. & us. diff.*

is inprimis de artificiosa rimulæ laryngis contractione sollicitus esse debet. Nam ut taceam absque hujus foraminis constrictione, utut exsufflatio exerceatur vehemētissima, non posse ullam edi vocem: Sic è contrà ex varia configuratione hujus rimulæ resultare diversos sonos, ex fistulis organi pœumatici discimus; ampliatur namque foramen tonum edit magis gravem, Il) angustatum è contrà acutum. Sicuti verò inter acutissimum & gravissimum sonum plures alii intermedii occurrunt, ita tamen omnes ex asperæ arteriæ hujusque rimulæ habitudine sunt deducendi.

C A P. III.

De

Loquelæ Organis.

§. I.

ORgana quod concernit, quibus mediantibus aër sonorus in literas formari debet, illa non incommode sub generali oris titulo comprehendi possunt. Os siquidem, à larynge ad extrema usque labii sese extendens, præ cæteris partibus huic dicatum est functioni. Alti enim in confesso est, ore fingi sermonem: ita negari nequit, eodem obstructo aliove modo læso, Locutionem subito corrumpi ac destrui. Quapropter non dubitandum, os esse genuinam officinam Locutionis. Et licet exempla prostant, verba mm) ex variis corporis partibus, imò & è pudendis esse facta, tamen talis locutio, supernaturalis agnoscens causas, non est confundenda cum illa, quæ ordinariò contingit, & de qua unicè nobis est sermo.

§. II. Ad

II) Vid. *Aqutapend. de Laryng. voc. organ.* P. 3. c. 11. p. 301. & seqq.
mm) *Jac. Rolandi aglossæ stomogr. misc. nat. curios. annex. Dec.*
A. 3. c. 6.

§. II.

Ad oris verò constitutionem ac integritatem variæ concurrunt partes, è quibus tamen commemorabo saltem illas, quæ mihi ad Locutionem perficiendam videntur inprimis necessariae, quarumque ad censum non immeritò refero fauces, linguam, labia, tonsillas, uvulam, narium foramina, palatum, dentesque. Ex quibus tamen quædam se habent magis activè, quædam è contrà merè passivè.

§. III.

Partes quod attinet, quæ activitate suâ Loquelam perficiunt, sunt præcipuè fauces, lingua & labia. In faucibus, sub quo titulo intelligitur cavitas oblonga, angustaque, complens patium, linguae radici atque asperæ arteriæ capiti interpositum, verti sonum in vocales, multis comprobare satagit nn) Fabr. ab Aquapendente. Cùm enim varii muscoli implantati sint laryngi, itemque basis linguae ibi sit conspicua, hinc utique pro lubitu nostro redigere possumus isthmum hunc in figuras varias, quibus allisus aër in vocales redigitur. Nolo tamen propterea à formatione harum literarum excludere penitus & labia, & palati regionem posteriorem. Ultimæ enim necessitatem observabis in formanda E. & I. priorum verò in O. & U. Vocalem autem A. unâ cum consonante H. quod concernit, eas in faucibus forsân unicè fieri, non adeò improbabile videtur. Ab hisdem porrò partibus dependere quoque formationem diphthongorum, v. g. Æ. OE &c. apparet, quod eadem non nisi ex vocalibus, sibi invicem conjunctis, resultent, idem judica de litera Y. cùm enim ejus sonus non discrepet in enunciatione à vocali I. idcirco ex simili partium positione quoque oriatur.

§. IV.

Utut verò sic pateat, quomodo sonus à faucibus fingatur

in literas, qualis nihilominus præcisè sit illarum figura, quam sonus, literis informatus, pertransiit; quamque quælibet litera ad sui formationem requirat, id, cum in illo argumento enucleando fortiter desudarint oo) Eabr. ab Aquapendente, pp) Fr. Mercurius ab Helmont, qq) Wallisius, rr) Conradus Ammanus, ss) Cordemoy, pluresque alii, brevitatis gratiâ nunc fusiùs explicare supersedeo. Requiritur interim in unaquaque litera formanda specialem quandam partium positionem motumve, vel ex hoc unico elucescit, quod surdi tt) solius visus adminiculo quandoque loquentes intelligant.

§. V.

Alterum ex magis activis organon est lingua, cujus mentionem jamjam fecimus, ubi de vocalium formatione. Non opus verò denuò esse autumo, ejusdem integram tradere descriptionem, adeat curiosus Lector uu) Marcell. Malpighium, vv vv) Carolum Fracassatum, xx) Laur. Bellinum, ex quorum scriptis accuratissimam habebit hujus partis delineationem. Satis igitur erit notasse, eam maximam partem non solum ex musculosis fibris componi, sed ipsi insuper varios musculos inseri, quibus mediantibus mira velocitate ad omnes oris plagas fertur, extenditur, retrahitur, sursum & deorsum pellitur, quò eò promptius, quid velit eloqui valeat. Ast sicuti linguæ basis ad vocalium formationem concurrebat, ita è contrà media portio unà cum apice potius consonantibus producendis inservit.

§. VI. Mē-

oo) Vid. ejusdem Tr. de Locut. à Cap. 7. usq; ad Cap. 11. pp) Alphab. Hebr. delineat. qq) Tr. de Loqv. Grammat. Lingu. Anglican. præf. à Sect. 2. usq; ad finem cit. Tr. rr) Surd. Loqu. ss) Diss. de Loqv. à p. 41-47. tt) Helmont. Alph. hebr. delin. c. 1. p. 2. & 5. Morhof. diss. de Scyph. vitr. per cert. hum. voc. son. fract. c. 15. p. 211. & seqq. uu) ejus Exercit. epist. de Lingu. vv) Exercit. epist. de Lingua. xx) de gust. organo.

§. VI.

Media itaque Linguae pars, dum variè ac convenienter alatum versus elevatur, producit literas G. K. Q. X. Apex verò, si vel ad palatum, vel ad dentes, prout decet, pellitur, tunc formantur C. D. L. N. R. S. T. Z. Tantus verò tamque insignis à quibusdam Physiologorum habetur linguae usus in Locutione, ut non dubitent, illam tanquam principalissimum ejus instrumentum deprædicare. Si autem contingat, ut ablata, ex quacunque causa, lingua, nihilofeciùs remaneat Locutio integra, qualia exempla subindè annotata yy) leguntur, tunc talis Loquela abscedit à nostra in eo, quod vel à supernaturali penitus causa dirigatur, vel quod provida Natura, aut in absuntæ linguae locum dederit vicarias zz) partes, quæ postmodum mobilitate suâ, arteque aaa) adjunctæ, Loquelam effecerint, aut quod relicta linguae portio huic præfuerit negotio.

§. VII.

Restitant adhuc ex instrumentis magis activis Labia consideranda, quorum accuratam descriptionem anatomicam vide apud bbb) Verheyen, ccc) Bidlojum, aliosve. Id nobis in præsentiarum sufficit, beneficio musculorum, ex quibus imprimis componuntur, præstari unicè illum, quem edunt, diversissimum motum, eoque aërem sonantem denuò cogi ac agitari, usque donec assumat variarum literarum formam. In specie verò vel ex sibi invicem commissis, vel labio inferiore ad superiores dentes admoto, fiunt literæ consonantes B. M. P. W. F. & V. Nec minor resultat usus ex eorum diver-

C 3

s8

yy) Vid. Nic. Tulp. *obs. medic.* L. 1. c. 41. Camerar. *Operum horar. subcissivar.* Cent. 3. cap. 5. p. 16. M. N. C. Dec. 1. A. 1. *Obs.* 35. p. 119. Job. Schenck. *Obs. Medic.* L. 1. *Obs.* 9. p. 194. zz) Jac. Roland. *Aglossostomogr.* c. 2. aaa) *Paræi Lib.* 22. c. 5. *Rolandi Aglossost.* c. 5. bbb) *Corpor. hum. anat.* Tr. 4. c. 11. p. 183. ccc) *Anat. hum. corp.* T. 12. f. 4. 5.

sò situ in vocalium qua rûndam formatione, uti jam suprà indigitatum. Et licet de quodam referatur, quod potuerit, ore aperto & hianti absque ullo labiorum motu, perfectè ac distinctè cunctas pronunciare voces: tamen quia de eodem affirmat d d d) Jac. Rolandus, quod id præstiterit vel arte, vel exercitatione, vel impostura dæmonum, statim apparet, non posse unico hoc eoque singulari planè exemplo solennem labiorum motum ac usum destrui, quem nunquam non in Locutione, articulatè producenda, observamus necessarium.

§. VIII.

Progredior nunc ad instrumenta, quæ passivè magis se habent in Loquela, dum sonus in literarum formatione tantum alliditur ipsis, quibusque primò annúmero uvulam cum tonsillis. An autem earundem usus adeò insignis sit, vix aulam determinare, inprimis cum videam tradi ab Autoribus exempla sibi contraria. Alii siquidem narrant ex his amissis partibus eee) notabiliter fuisse læsam Loquelam, integra tamen fff) manente voce, alii è contrà testantur, non nisi vocis ggg) quandam raucedinem exin fuisse natam. Interim tamen haud improbabile videtur, ex uvulæ ac tonsillarum situ naturali aëris repercussionem promoveri, ipsumque eò in literas quasdam hhh) cogi.

§. IX.

Clariùs & ad sensum magis apparet necessitas ususve narium foraminum, quibus sese aperiunt in fauces, his enim obstructis difficulter admodum ac minùs gratè M. & N. exprimi posse constat, si modò naso quis digitis angustato, iii)

eas-

ddd) *vid. ejus Aglossost. c. 6.* eee) *M. N. C. Dec. 2. A. 5. obs. 6.* fff) *Th. Barthol. Anat. reform. L. 3. c. 12. p. m. 368.* ggg) *M. N. C. Dec. 1. A. 4. & 5. obs. 66.* hhh) *Joh. Wallis. de Loqu. S. 13. p. 12.* iii) *Am. mann. Surd. Loqu. c. 2. p. 35.*

easdem efferre intendat. Idem denique judica de palato æ-
què ac dentibus, quorum utilitas ac necessitas ex plurima-
rum literarum formatione elucescit. Multas enim literas,
quæ à lingua labiisque producuntur harum in simul partium
præsentiam requirere docent §. 6. & 7. hujus capituli.

§. X.

Et hæc sunt præcipua instrumenta, quibus mediantibus
aër sonorus ulteriùs pellebatur, reperiiebatur, allidebatur,
cogebaturque, usque dum literarum formam in se suscep-
rit. Unicè enim ex motus varietate partium commemorata-
rum, aërisque ex in oriunda percussione, ortum ducere lite-
ras in universum omnes, ex antè monitis sufficienter con-
stat. Monendum tamen adhuc erit, quod cum literarum
numerus kkk) apud omnes Gentes non respondeat, nec ea-
rundem formatio apud easdem Ill) una eademque sit, idcir-
cò, dum eas tantum mihi explicandas sumsi literas, quarum
in Latina vel etiam Germanica Lingua est usus, veniam me
impetraturum, spero.

§. XI.

Facile nunc ipse loquendi modus, qui adhuc restare vi-
detur, explicari potest. Cum enim literæ constituent primæ
quasi elementa omnis Locutionis, ex earundem debita com-
positione & enunciatione unicè nasci sermonem constat. Ita
verò succedit negotium hoc: primò ex vocalibus & conso-
nantibus, sibi combinatis, fiunt Syllabæ, ex Syllabis dictiones,
ex dictionibus demum integra Locutio. Cuncta verò hæc
tunc demum feliciter contingunt, si mens, directione ac im-
periò suo, spiritus influere jubeat in partes prædictas, ipsis-
que sic impertiat motum, nunquam non necessarium ad aë-
rem in voces & verba cogendum.

§. XI. Ne

kkk) *Vid. Aquapend. de Locut. c. 4.* Ill) *Ammann. Surd. Loqu.*
p. 24.

§. XII.

Ne autem sermo prolatus, illorum ad quos dirigitur notionem fugiat, verba ex hominum arbitrio aut usu singulis rebus imposita fieri debent, quibus perceptis, alter facili negotio, Loquentis animi sensa cognoscet. Et hæc quidem de hoc argumento in præsentiarum dixisse sufficiat; DE O soli honor, gloria, & gratiarum actio!

